

WIITATISIIMITOWIN MAAMIINWACIKEWIN ONAAKONIKEWIN

TAHSO AKI AACIMOWIN

**KAAKII OSHITOC
MANITOBA INDIGENOUS RECONCILIATION SECRETARIAT**

2022/23



Niikaaniidamaakewinik niibidewiidamaakewinan: Kaa-iinadamok iiwedi ahpin maamiinokewinik iimaa Maanitobaa

Kaa-iinadamok iiwedi ahpin maamiinokewinik onaakonikewin ojinihstawinikaade iiwe Maanitobaa eyatek iimaa kayaash odahkiimiwaan egwa odashiikewiniwaan iikweniwak anishininiwak. Iiwe onaakonikewin kaye ojinihstawinikaade iiwe Maanitobaa ekiiwiji odisinaaniwak, egwa ebimi odisinaaniwak, odaanaag kaawijibimiwaawiihiidinaaniwak egwa nakodamaakewinan kaadawakin iikweniwak oji anishininiwak egwa Anishininiwi Okomaawinan. Iiwe Maanitobaa Okomaawinaak kaye onihstawinaanaawaan Anishininiwan omaa Kaanadaa mishiiniwayek ekiipi maamiinidodawaakanowaach kaakiwiji kijikakwaadakihaakanowaach ahpin nishtam kaakiipidakoshiniwaapan wemihtikoshiwak akaamahkiik kaakiwijisewaach. Iimaa onaakonikewinik, nihstawinikaade iiwe maamiinonikewin ewijisek iimaa oji jikanaadenimaakanowaach Anishininiwi Okomaawinan egwa anishininiwak, odaanaag ahpin noogom odishibimaadisowiniwaan, odishikiishiwewiniwaan egwa odishibimaadisowiniwaan odoodamowiniwaan, egwa iiwe maamiinonikewin enadawendaakwak kewiji anohkaadek iiwe wemihtikooshiwi dibenimowewin.

Mekwaach Maanitobaa ebimi-anohkaadamowaach mishiin oshkimaajitaawinan iiwe oji maamiinonikewinik, owe wiidamaakewasinahiikan kanawaabajikemakan iikweniwan maajitaawinan mayaam kaamaatanohkaadamowaach Maanitobaa Okomaawinaak mekwaach Nihka Biisom 1, 2022, egwa Mikizi Biisom 31, 2023x Maanitobaa Anishininiwi maamiinonikewin masinahiikewikamikok okiiniibidesinahaanaawaan okweniwan doodamowinan omaa, kaa-ayinaanewidamok iimaa maamiinonikewinik dahyahte kaa-iishibimisek wiidamaakewasinahiikewinan.

Iiwe *kanoojikewinan kedoojikaadekin bimi iisisewinan* kaa-iishi wiijikaadekin niibidesinahiikaadewan Maanitobaa Okomaawinaak kaa-iishibimi anohkaadamowaach ekakwe daabidawinikaadekin kaa-iishi baabakaani kaadodawaakanowaach anishininiwak egwa wemihtikooshiwak iimaa Maanitobaa wawijiiwidowinik, Okomaawinaak egwa anohkiiwibimojikewinik (*kanoojikewinan kedoojikaadekin*) iiwe debwewin egwa maamiinonikewin kaayabiidamowaach iishkwaayaach owiidamaakewasinahiikewiniwaak. Iikweniwan kaakii-anohkaadekwaaban kiiwiidanohkiimidinaaniwanoban iimaa mishiiniwayek iineke wiijiihiwewinik okwayaadinamaakek egwa bimojikewinan kaakiwiji kakwe maamiinonikaadekin iimaa iineke awaashishiiwi bamihiiwewinik, kikinohamaakewinik, minoyaawinik, onaakonikewibimojikewinik, iishikiishiwewinik egwa iishibimaadisowinik.

liwe *kanoojikewinan kedoojikaadekin: maamiinonikewin* kaa-iishiwinaajikaadek anohkiiwin ke-iishiwinaajikaadek egwa ke-iishibimi kanaaji wawiijiwidinaaniwak iikweniwak anishininiwak egwa wemihtikooshiwak, egwa ji-oshjikaadek nawach jidaabidawisek egwa jimaamawisek kaa-iishiwiji bimaadisomidinaaniwak.

Niswayek iineke iiwe kodakiyan maamiinonikewinan doodamowinan ashidinikaade egwa niibidesinahiikaadewan maajitaawinan awashime kewiji maamiinonikenaaniwak iimaa kaa-lishiwinahstek debwewin egwa maamiinonikewin abiidamaakewinik omaa Kaanadaa kanoojikewinan iimaa kedoojikaadekin. Biminshahiikaadek owe kaa-iishi onahtek amiimaa eyashidinikaadekin kekoonan kedoojikaadek, maajidaawinan egwa doodamowinan kaayanohkaadekin keyanohkaadek iiwe kaa-iishi maanitotawaakanowaach anishininiwi iikwewak egwa iikwesesak egwa jikwayaadinikaadek wiidamaakewinan Maanitoba kaa-iishi nakweweshjikemakak iiwe oji misiwe biko ahkik kanoojikewin iiwe oji kaawanisewaach anishininiwi iikwewak egwa iikwesesak egwa iiwe kakanojikaadek kwayahkonikewin jidoojikaadek (kakanojikaadek kwayahkonikewin jidoojikaadek)

liwe iishkwaayaach biksibiihiikan omaa wiidamaakewasinahiikewinik niikaanik iinaabiimakan egwa ewiidamaakemakak aan Maanitobaa Okomaawinaak kewiji bimi oshtowaach iiweni kaa-iishibimi anohkaadek iiwe maamiinonikewin omaa ahkiik Onteriiyo.